

РУҲИЙ КАСАЛЛИКЛАРИ МАВЖУД БЎЛГАН СТОМАТОЛОГИК БЕМОРЛАРДА КЛИНИК-ФУНКЦИОНАЛ ТАДҚИҚОТ УСУЛЛАРИНИ ОЛИБ БОРИШ

О. М. Астанов

Бухоро давлат тиббиёт институти, Бухоро, Ўзбекистон

Таянч сўзлар: рухий касаллиги мавжуд беморлар, агрессив хатти ҳаракат, ОНІ-S тиш караши индекси, DI-S кўрсаткичларини тиш тоши индекси, CI-S кўрсаткичлари, оғиз бўшлиғи, КПО.

Ключевые слова: пациенты с психическими заболеваниями, агрессивным поведением, индекс кариеса зубов ОНІ-S, индекс зубного камня DI-S, показатели CI-S, полость рта, КПУ.

Key words: patients with mental illness, aggressive behavior, dental caries index ОНІ-S, tartar index DI-S, CI-S indicators, oral cavity, CPU. Key words. Patients with mental illness, aggressive behavior, dental caries index ОНІ-S, tartar index DI-S, CI-S indicators, oral cavity, PCI.

Рухий касаллиги мавжуд стоматологик беморларни клиник-функционал текширилганда беморларнинг шикоят ва оғиз бўшлиғи аъзоларининг функцияларининг бузилишларига эътибор қаратилди. Беморда рухий касаллик мавжудлиги бир нечта асосий белгилар бўйича аниқланди. Тадқиқот гуруҳи беморларнинг аксарият қисмида кузатиладиган ҳаддан ташқари хавотирланиш энг кўп учрайди. Эҳтимолий асоратлар ва даволашдаги муваффақиятсизликлар ҳақидаги фикрлар ҳам кенг тарқалган. Касалликнинг янги кўринишларига доимий шикоятлар ва симптомларнинг таъкидланиши бир қатор беморларга хос хусусиятлардан ҳисобланади. Шунингдек текширилган беморлар гуруҳида депрессив фикрлар баъзи беморларда қайд этилди, ижобий ўзгаришлар ва соғайишга ишончсизлик камроқ намоён бўлган беморлар ҳам қайд этилди.

ПРОВЕДЕНИЕ КЛИНИКО-ФУНКЦИОНАЛЬНЫХ МЕТОДОВ ИССЛЕДОВАНИЯ У СТОМАТОЛОГИЧЕСКИХ ПАЦИЕНТОВ С ПСИХИЧЕСКИМ ЗАБОЛЕВАНИЕМ

О. М. Астанов

Бухарский государственный медицинский институт, Бухара, Узбекистан

При клиничко-функциональном обследовании стоматологических больных с психическими заболеваниями обращали внимание на жалобы больных и нарушения со стороны органов полости рта. Наличие психического заболевания у больного определялось по нескольким основным признакам. Наиболее распространенной является чрезмерная тревожность, которая наблюдается у большинства пациентов исследуемой группы. Также распространены мысли о возможных осложнениях и неудачах лечения. Акцент постоянных жалоб и симптомов на новых проявлениях заболевания является одной из особенностей ряда больных. Также в обследованной группе больных у части больных отмечались депрессивные мысли, отмечались также положительные изменения и меньшая уверенность в выздоровлении.

CONDUCT OF CLINICAL-FUNCTIONAL RESEARCH METHODS IN DENTAL PATIENTS WITH MENTAL DISEASES

O. M. Astanov

Bukhara state medical institute, Bukhara, Uzbekistan

During the clinical and functional examination of dental patients with mental illnesses, attention was paid to the patients' complaints and disorders of the oral cavity. The presence of a mental illness in a patient was determined by several main criteria. The most common is excessive anxiety, which is observed in the majority of patients in the study group. Thoughts about possible complications and treatment failures are also common. The emphasis of persistent complaints and symptoms on new manifestations of the disease is one of the features of a number of patients. Also in the examined group of patients, some patients had depressive thoughts, positive changes and less confidence in recovery were also noted.

Тадқиқотнинг долзарблиги. Ҳозирги кунда рухий касалликга учраган беморлар сони кундан кунга ортиб бормоқда. Бунга асосий сабаб қилиб, ҳомиладорлик даврдаги эгзоген ва эндоген таъсиротларни киритишимиз мумкин. Бундан ташқари турли хил травмалар, стресс ва бошқалар бунга сабаб бўлиб келмоқда. Ушбу касаллика учраган беморларга психиатр мутахассиси даволаш ишларини олиб боради. Улар билан ишлашнинг ўзига хос қийинчиликлари мавжуд. Рухий касаллиги мавжуд беморлар билан стоматолог мутахассиснинг текшириш ва даво чораларини қўллаши ҳам бир қанча муаммоларни келтириб чиқаради [1, 2, 4, 6, 8, 9]. Чунки ушбу беморлардаги тез-тез рухий ҳолатнинг салбий томоғига ўзгариши, хусусан депрессив ҳолатлар, тажовузкорлик ҳамда ўз жонига қасд қилиш ҳолатлари кузатилиши барчага маълум. Шунинг учун рухий касаллиги мавжуд беморлар билан стоматолог мутахассисининг ишлаш жараёнида психиатр ҳамкорлиги муҳим ўрин тутаяди. Бундай беморлардаги стоматологик касалликларни аниқлашда хушмуомилалик ва уларнинг ишончига кириш муҳим омиллардан бири ҳисобланади. Шундагина улар билан ишлаш бир мунча

осонлашади. Акс ҳолда рухий касаллиги мавжуд беморлар стоматолог мутахассисларига зарар етказиб қўйишлари эҳтимолдан ҳоли эмас. Рухий патологияси мавжуд беморларда стоматологик касалликларнинг деярли барчасини кузатишимиз мумкин. Шунинг учун ҳам ушбу беморлардаги оғиз бўшлиғи аъзолари касалликларини эрта аниқлаш, даволаш ва профилактика қилиш муҳим аҳамият касб этади [3, 5, 7, 10].

Тадқиқотнинг мақсади. Рухий патологияси мавжуд бўлган беморларда клиник-функционал тадқиқот усуллари орқали стоматологик касалликларни эрта аниқлаш ва даволаш чораларини амалга ошириш.

Материал ва усуллар. Тадқиқотда қатнашаётган бир гуруҳ беморларда агрессив ҳатти-ҳаракатга эга бўлган 80 нафар беморнинг 22 нафари (27,5%) стоматологик ёрдам кўрсатилиши режалаштирилган тиббиёт муассасалари ходимлари билан мулоқотда қўпол муомала ва провокацияларга мойиллиги кузатилган беморлар. Ташхислар бўйича тақсимланган гуруҳда шизофрения ва эпилепсия (А/Г-1 ва А/Г-2) 170 нафар (41,5%), олигофрения (А/Г-3) –105 нафар (25,6%), рухий касалликларнинг бошқа шакллари (А/Г-4) –135 нафар (32,9%) ва назорат гуруҳи беморлари (Н/Г) 90 нафарни (21,9%) ташкил этган, улар орасида 55% эркаклар ва 45% аёллар ташкил этди.

КПО, ТОБОЛ усули, ОНІ-S индекси, DI-S индекси, CPITN индекси, СОСХ-М индекси, МРТ текшириш усули қўлланилди.

Натижалар. Стоматологик кўрикда тепа ва пастки лаб юганчалари, оғиз олди чуқурлиги, тил баҳоланди; оғиз бўшлиғи шиллиқ қавати, лаблар, лунж, қаттиқ ва юмшоқ танглай, тил кўриқдан ўтказилди. Шунингдек тиш қаторлари, пародонт тўқималари ўрганилди.

Тиш тўқималарининг кариес касаллиги билан шикастланишининг тарқалганлиги ва интенсивлиги КПО индексини ҳисоблаш йўли билан – БССТ тавсия этган усулда баҳоланди. Тарқалганлиги – бу тиш қаттиқ тўқималарининг кариес ва унинг асоратлари билан шикастланиши мавжуд бўлган беморлар сонининг умумий текширилган беморлар сонига нисбати билан аниқланадиган кўрсаткич; кариес интенсивлиги бир беморда кариес билан шикастланган, пломбаланган ва олиб ташланган барча тишлар сонининг қўшилиши, кейин гуруҳ бўйича ўртача қийматларнинг ҳисобланиши йўли билан белгиланди.

ОБ да гигиена ҳолатини баҳолаш учун Oral Hygiene Index-Simplified (ОНІ-S) – Grin-Vermillion оғиз бўшлиғида гигиенанинг соддалаштирилган индексидан (J.C.Green, J.R.Vermillion, 1964) фойдаланилди. Индекс махсус бўёқлардан фойдаланишни талаб этмайди, тиш қараши (DI-S) ва тиш тошинининг (CI-S) миқдорини аниқлаш имконини беради. Индексни зонд билан аниқлаш учун 1.6, 1.1, 2.6, 3.1 тишларнинг вестибуляр юзалари ва 3.6 ва 4.6 тишларнинг тил юзалари ўрганилди.

Милк усти ва ости тиш тоши стоматологик зонд ёрдамида аниқланди. Олинган маълумотларни баҳолашда қуйидаги мезонлардан фойдаланилди: ОБ гигиена индексини ҳисоблаш ОНІ-S тиш қараши индекси DI-S кўрсаткичларини тиш тоши индекси CI-S кўрсаткичларига қўшиш йўли билан амалга оширилди.

GI милк индекси [57; 17-19-б., 91; 64-68-б.] гингивитнинг жойлашуви ва оғирлигини аниқлаш учун мўлжалланган. 1.6, 2.1, 2.4, 3.6, 4.1, 4.4 тишларда тугмали зонд ёрдамида



1 расм. Текширув олиб борилган беморларнинг оғиз бўшлиғи ҳолати кўриги.

милкнинг тўрт соҳаси: дистал, медиал, вестибуляр соҳа маркази ва тил соҳаси маркази ўрганилди.


Пародонт касаллигининг тарқалганлиги ва интенсивлиги БССТ тавсия этган Community Periodontal Index of Treatment Needs (CPITN) индекси усулидан фойдаланиб баҳоланди. Бунинг учун пародонтал зонд ёрдамида 10 та асосий: 1.7/1.6, 1.1, 2.6/2.7, 3.7/3.6, 3.1, 4.6/4.7 тишлар соҳасида пародонт ўрганилди. Агар мос келувчи секстантда асосий тишлар мавжуд бўлмаса, унда ўша жойда мавжуд тиш пародонти ўрганилди. Стоматологик картага энг оғир шикастланиш киритилди.

ОБ да сурункали инфекция ўчоқларининг умумий соматик касалликлар билан ўзаро боғлиқлигини аниқлаш ва ОБ патологияларининг организм умумий ҳолатининг оғирлашувига таъсирини баҳолаш мақсадида [17; 317-324-б., 32; 238-241-б.] биз ОБ да сурункали орал сепсис (СОСХ-М) хавфи модификацияланган индексини қўлладик. Уни баҳолаш учун оғиз бўшлиғида энг кўп учрайдиган 6 та клиник белгилардан фойдаланилди: DI-S тиш қараши индексида тиш қараши мавжудлиги, КПО кўрсаткичидан кариес билан шикастланган тишлар, GI индексида сурункали гингивит, ортопантомограмма (ОПТГ) ўтказилганидан кейин аниқланувчи сурункали апекал периодонтитли (АП) тишлар мавжудлиги, пародонтал зонд ёрдамида аниқланадиган пародонтал чўнтаклар сони ва чуқурлиги ҳамда палпация усули билан патологик кўзгалувчан тишларнинг (ПКТ) мавжудлиги.

Чакка-пастки жағ бўғимининг (ЧПЖБ) ҳолатини баҳолаш мақсадида тадқиқот ўтказилиб, бунда тадқиқот гуруҳига киритиш мезони сифатида белгилар триадаси қабул қилинди: 1) оғриқ синдромининг мавжудлиги; 2) оғиз очилишининг чекланганлиги; 3) магнит-резонанс томография (МРТ) маълумотларига кўра ЧПЖБ нинг ички бузилишлари. Н/Г учун истисно қилиш мезонлари оғир соматик патология мавжудлиги бўлди.

Рухий касаллиги мавжуд стоматологик беморларни ташҳислаш ҳамда даволаш самарадорлигини ошириш мақсадида стоматологик касалликларни эрта ташҳислаш даволаш дастури ишлаб чиқилди ва амалиётга тақдим этилди.

Рухий патологияси мавжуд беморларни стоматологик ташҳислаш ва даволаш дастури.



Руҳий касаллиги билан касалланган беморларни стоматологик ташҳислаш ва даволаш дастури стоматолог шифокорлар амалиётида қўллаш учун етакчи дастур бўлиб хизмат қилади.

Хулоса. Руҳий касалликлари мавжуд бўлган стоматологик беморларда клиник-функционал тадқиқот усуллари олиб бориш натижасида – тиш кариеси, пулпит, тиш қарашлари ва тошлари, тиш тож қисмининг турли хил нуқсонлари, оғиз бўшлиғи аъзолари шиллиқ қавати касалликлари ҳамда тиш қаторларининг қисман ва тўлиқ йўқотилишини келтириб чиқарувчи сабабчиларини эрта аниқлаб, руҳий патологияси бўлган беморлардаги стоматологик касалликларини олдини олиш, даволаш ва профилактика қилишга эришилди.

Фойдаланилган адабиётлар:

1. Абдрашитова А. Б., Гайнуллина Д. К. Стоматологический статус пациентов с психоневрологическими расстройствами, обратившихся с целью санации рта в условиях общего обезболивания //Казанский медицинский журнал. – 2020. – Т. 101. – №. 2. – С. 200-205.
2. Гаффоров С. А., Мадаминава Н. С., Астанов О. М. Особенности оказания ортопедической стоматологической помощи у больных с психиатрическими патологиями //Журнал гуманитарных и естественных наук. – 2024. – №. 8. – С. 165-173.
3. Данилова Д. О., Сувырина М. Б. Коморбидность психических расстройств и состояния полости рта у женщин, находящихся на стационарном психиатрическом лечении //АКТУАЛЬНЫЕ ПРОБЛЕМЫ И ПЕРСПЕКТИВЫ РАЗВИТИЯ СТОМАТОЛОГИИ В УСЛОВИЯХ СЕВЕРА. – 2019. – С. 35-39.
4. Зиньковская Е. П. и др. Влияние прогрессивности заболевания у больных эпилепсией на уровень стоматологического комплаенса и некоторые стоматологические показатели //Институт стоматологии. – 2020. – №. 1. – С. 74-75.
5. Расулова М. А., Алиева Э. Р., Гасанов В. М. Стоматологическая заболеваемость и показатели ротовой жидкости у психически больных //Вісник проблем біології і медицини. – 2017. – Т. 3. – №. 4. – С. 371-374.
6. Astanov O. M., Ruzmetova M. I. Effects of one-sided chewing and psychoemotional abuse on the dental system // Academic Integrity and Lifelong Learning (France). – 2023. – Т. 3. – С. 33-37.
7. Gafforov S. A., Astanov O. M., SS G. Hygienic Condition of the Oral Cavity and Periodontal Tissue in Patients with Psychiatric Pathologies //Journal of Science in Medicine and Life. – 2023. – Т. 1. – №. 3. – С. 8-15.
8. Gayratovna S. R. Ways of optimization of local therapy for purulent-inflammatory diseases of the maxillofaqial region //EUROPEAN JOURNAL OF MODERN MEDICINE AND PRACTICE. – 2022. – Т. 2. – №. 8. – С. 16-21.
9. Israilovich A. E. et al. Neurological conditions and their psychological manifestations in dental diseases //european journal of modern medicine and practice. – 2024. – Т. 4. – №. 3. – С. 61-63.
10. Mirjonovich A. O., Amrulloevich G. S. Diagnostics and Provision of Specific Dental Care to Patients with Psychiatric Pathologies //Journal of Advanced Zoology. – 2023. – Т. 44.